

یوہ آکاشوانی جموں ہے عبدالرحمان تیں خبر سُنو۔

PM BUDGET

وزیر اعظم نریندر مودی اج ویڈیو کانفرنسنگ غے زریعے بحث تیں بعد غا وینبار مانہہ شرکت کرینگا وینبار غا کلیدی موضوعات مانہہ روز گار لوکاں مانہہ سرمایہ کاری معشیت تے جدت شامل وینگا وزیر اعظم اس موقع ور خطاب وی کرینگا واضع رہے روز گار غی پیداوار حکومت غا اہم نظریہ غے تحت حکومت نے روز گار گا مواقع نانہہ فروغ دین تے ملازمتاں غی بہتر فراہمی واسطے متعدد اقومات کیا ہیں یوہ وینبار حکومت صنعت تعلیمی اداراں تے شہریاں گے بشکار تعاون نانہہ فروغ دے گو۔ تانجے بجٹ غا انقلابی اعلانات نانہہ موثر نتائج مانہہ تبدیل کیو جاسکے ان مباحثاں گو مقصد پائیدار تے جامع ترقی ٹیکنالوجی دوجا شعباں مانہہ قیادت تے ایک ہنر وصہت مند کم کاجی عملہ غی تیاری وے گی۔ تانجے سال ۲۰۲۴ تک ویکست بھارت غا اہدف نانہہ حاصل کیو جاسکے۔

CM TOURISM

وزیر اعلیٰ عمر عبداللہ نے کل اعلان کیو ہے جے حکومت جموں مانہہ زیارتی سیاحی سرکٹس نانہہ فروغ دے گی تانجے شری ماتا ویشنو دیوی مندر جان آلا یاتریاں نانہہ علاقہ غا دوجا سیاحتی مقامات در راغب کیو جاسکے اُنہاں نے کہیو جے حکومت ان یاتریاں وچوں ۰۱ تیں ۵۱ فی صد نانہہ دوجا مقامات ور پُجن بارے غور کرسکے۔ وزیر اعلیٰ عمر عبداللہ جیڑہ کہ محکمہ سیاحت غی نگرانی وکریں نے اسمبلی مانہہ وقفہ سوالات غے دوران یوہ جواب دتو اُنہاں نے شری ماتا ویشنو دیوی مندر جان آلا یاتریاں نانہہ دیگر سیاحتی مقامات ور جان غی ترغیب دین غی ضرورت ور زور دتو تے کہیو جے ہمنانہہ سنجیدگی سنگ یوہ سمجھنو چاہیے کہ ہم یاتریاں نانہہ جموں غا بکھ بکھ مقامات غی طرف راغب کران اُنہاں نے کہیو جے جموں مانہہ منفرد سیاحتی مقامات موجود ہیں جن غی مزید تشہید غی ضرورت ہے تے اس سلسلہ مانہہ مزید کوشش کی جینگی وزیر اعلیٰ نے مزید کہیو جے سال ۲۰۲۳ مانہہ ۲ کروڑ ۱۱ لکھ ۴۲ ہزار ۶ سو ۴۷ سیلانیاں نے جموں کشمیر غو دورو کیو جدکہ ۲۰۲۲ مانہہ پانچ تعداد ۲ کروڑ ۵۳ لکھ ۴۲ ہزار ۶ سو ۹۲ تک پُج گئی۔ ان سیلانیاں وچوں ۳۲۰۲ مانہہ ۵۵ ہزار ترے سو ۷۳ تے ۴۲۰۲ مانہہ ۵۶ ہزار ۴ سو ۲۵ غیر ملکی سیاح شامل ہیں۔

KHELO INDIA

نوجوانان بارے خدمات کھیڈاں خوراک عوامی نظام تقسیم امور صارفین ٹرانسپورٹ سائنس و ٹیکنالوجی اطلاعاتی ٹیکنالوجی تے اے آر آئی وٹریننگ غا وزیر ستیش شرما نے کل لیفٹیننٹ گورنر منوج سنہا سنگ ملاقات کی وزیر موصوف نے ۹ مارچ تیں ۲۱ مارچ ۲۰۲۳ تک گلمرگ مانہہ منعقد ہون آلا کھیلو انڈیا سرمائی کھیڈاں واسطے باضابطہ دعوت نامو پیش کیو ملاوات غے دوران کھیڈاں گا شعباں سرحدی علاقان غی ترقی تے نوجوانان وکسانان غی پہلائی بہتری غے متعلق اہم عوامی امور ور وی تبادلہ خیال کیو گیو۔

CRICKET IND CHAMPIONS TROPHY

دبئی مانہہ کھیڈیا گیا سیمی فائنل مانہہ بھارت نے اسٹریلیا نانہہ ۴ وکٹان تیں شکست دتی تے فائنل مانہہ اپنی جگہ بنالی ۵۶۲ دوڑ غا ہدف حاصل کرن غی کوشش مانہہ بھارت نے ۱۱ گھنڈ باقی رہتا واں ۶ وکٹان ور ۷۶۲ دوڑ بنائی۔ وراٹ کوہلی نے ۸۹ گینداں مانہہ ۴۸ دوڑ بناغے مین آف ڈی میچ غو اعزاز حاصل کیو جد کہ شریس ایر نے ۵۴ دوڑ بنائی دوجو سیمی فائنل اج لاہور مانہہ جنوبی افریقہ تے نیوزی لینڈ غے درمیان وے گو جس مانہہ جتن آلی ٹیم اتار نانہہ فائنل مانہہ بھارت نال کھیڈے گی۔

WOMEN GRAM PANCHAYATS

پنچائتی راج غی وزارت اج نوی دہلی مانہہ ایک قومی کنووکیشن مانہہ خواتین دوست گرام پنچائیت ماڈل غو آغاز کرن آلی ہے یوہ قدم وزارت غی طرفوں کواتیناں گا عالمی دن ۲۰۲۳ غی تقریبات غو ایک حصو ہے پہل غو بنیادی مقصد ہر ضلع مانہہ کم از کم ایک خواتین دوست گرام پنچائیت ماڈل قائم کرنو ہے۔ پنچائتی راج غا وزیر مملکت پروفیسر ایس پی سنگھ بھاگل صحت تے خاندانی بہبود غی وزیر مملکت انوپریا پٹیل تے مختلف وزارتوں محکماں تے اقوام متحدہ غا آبادی فنڈ جیسی بین العوامی تنظیمان تے دیگر نمائندہ اس تقریب مانہہ حصو لیں گا۔

WOMEN POONCH

بھارتی فوج نے خطہ مانہہ سماجی بیداری تے برادری غی ترقی نانہہ فروغ دین غی کوششاں گے تحت گورنمنٹ گرلز ہائی سکول ہرنی پونچھ مانہہ خواتیناں نانہہ باختیار بنان ور ایک تقریر غو اہتمام کیو جس مانہہ طلباء تے اُستازہ نے شرکت کی کواتیناں نانہہ باختیار بنان غی اہمیت تے حکومت غی طرفوں خواتیناں گا حقوق تے بہبود نانہہ فروغ دین واسطے کیا گیا مختلف اقدامات ور توجہ مرکوز کی گئی تقریر مانہہ خواتیناں نانہہ باختیار بنان واسطے مختلف پہلو شامل کیا گیا بشمول تعلیم صحت غی دیکھ بھال تے معاشی آزادی۔

MEDICAL CAMP

بھارتیہ فوج غی طرفوں لوکاں گی سلامتی پہلائی بہتری غا اپنو غیر متزلزل عزم نانہہ برقرار رکھتا وان بھائیترہ اخور مانہہ ایک طبی کیمپ گو انعقاد کیو گیو اس کیمپ غو بنیادی مقصد علاقہ گا پسماندہ افراد نانہہ مفت طبی وندناں گا چیک اپ غی سہولت فراہم کرنو تے ضروری ادویات تقسیم کرنو تھو۔ اس کیمپ غے دوران عام بیماری تے موسمی امراض واسطے وی اہم دوائیں فراہم کی گئی اس پہل واسطے مقامی لوکاں نے فوج غی وائیٹ گرز غو تہد دل سنگ شکر یو ادا کیو جنہاں نے اس طبی کیمپ غی قیادت کی تے مسلسل حمایت فراہم کی جس سنگ لوکاں غی زندگیاں مانہہ ایک مثبت فرق پیدا ہو۔

ARMY DISTRIBUTES

فوج نے ماڈل اکیڈمی سگرارو مینٹر پونچھ مانہہ ضروری سائنس لیبٹری غا سامان تقسیم کیو۔ اس کوشش غو مقصد سائنسی تعلیم نانہہ بدھانو تے طلباء نانہہ سائنس غا عملی پہلووان نانہہ تلاپ کرن غی ترغیب دینو ہے یوہ قدم اوپریشن سدھاونو غے تحت بھارتی فوج غی جاری کوششاں گو حصو ہے جہیزو دور دراز تے پشماندہ علاقان مانہہ ترقی نانہہ فروغ دین ور مرکوز ہے۔

KISHTWAR DISASTER

ڈپٹی کمشنر کشتواڑ راجیش کمار شوان نے کل ضلع مانہہ قدرتی آفات سنگ نمڑن بارے تیاریاں گو جائیزو لیو اس میٹنگ غو مقصد ضروری ٹہانچہ نشمول پانی و بجلی غی فراہمی سڑکاں غی رابطہ کاری تے دوجی مقامی سہولیات نانہہ پُجن آلا نقصانات غو تازہ ترین جائیزو لیو تھو جہیزو کہ حالیہ برف باری تے اس گا نتیجہ مانہہ درپیش مسائل غے سبب متاثر ہو ئیں۔ میٹنگ غے دوران ڈپٹی کمشنر موصوف نے کشتواڑ قصبہ تے ان غا مفاہاتی علاقان مانہہ پانی غی قلت غی صورتحال گو وی جائیزو لیو تے ضلع غا دور دراز علاقان مانہہ وی حالات ور غور کیو ڈپٹی کمشنر موصوف نے کشتواڑ غی عوام نانہہ بر وقت امداد تے ریلیف فراہم کرن واسطے انتظامیہ غا عزم نانہہ دہرایو۔

NEWS READ BY ABDUL REHMAN

DEO NUSRAT

SKILLED RAJAT

TECH. ASST. KOMAL

EDITOR YOGESH SAGOTRA